

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## বাংলাদেশে যুক্তরাষ্ট্রের রাষ্ট্রদূত ড্যান মজীনা'র বক্তব্য আর্থিক অপরাধ সংক্রান্ত কর্মশালা সমাপনী অনুষ্ঠান, হোটেল সারিনা ২৫শে এপ্রিল, ২০১৩

আস্সালামু আলাইকুম এবং শুভ অপরাহ্ন।

গতকাল সাভারে সংঘটিত ভয়াবহ ট্র্যাজেডির শিকার হয়েছেন যারা তাদের এবং তাদের পরিবারের প্রতি আমি গভীর সমবেদনা জানাই। এটা একটা চরম ক্ষতি। যারা এই শোকাবহ ঘটনায় যারা গ্রাণ হারিয়েছেন, যারা আহত হয়েছেন এবং তাদের সকলের পরিবারের জন্য আমরা প্রার্থনা করছি। বাংলাদেশের জন্য এবং আমরা যারা এই দেশকে ও এদেশের মানুষকে ভালোবাসি তাদের জন্য এখন একটি বেদনাদায়ক সময়।

এখন আমরা এই কর্মশালা নিয়ে কথা বলতে পারি...

বাংলাদেশ এখন হামলার মুখে, আর এটা এমন একটা হামলা যা দেখা কঠিন।

যে বাংলাদেশকে আমরা প্রত্যেকে ভালোবাসি, আমিও ভালোবাসি, বিভিন্ন শক্তি, অপশক্তি সেই বাংলাদেশকে ধৃশ্য করতে চায়।

যে আন্তর্জাতিক ঐক্য আর সুশ্রৎস্তা বাংলাদেশকে শান্তি আর সমৃদ্ধির, একটি দারিদ্র্যমুক্ত ভবিষ্যতের, আর সোনার বাংলা গড়ে তোলার নজিরবিহীন সম্ভাবনা এনে দিয়েছে, এই সব শক্তি আর অপশক্তি সেগুলো ধৃবৎস করতে চায়।

এই সব শক্তি আর অপশক্তির কাছে রয়েছে অত্যন্ত ক্ষমতাশালী অস্ত্র।

আমি পারমাণবিক বোমা, ডেস্ট্রয়ার বা যুদ্ধ বিমানের কথা বলছি না।

আমি ইউনিফর্ম পরিহিত বিশাল সেনাবাহিনী বা বিপুল নৌবহরের কথা বলছি না।

আমি আরো শক্তিশালী কিছুর কথা বলছি।

আমি বলছি অর্থের কথা... অবৈধ অর্থের অবাধ প্রবাহের কথা।

যে অর্থ কোনো সীমানা মানে না... যে অর্থ ভাষায় প্রকাশ করা যায় না এমন সব অপরাধে অর্থায়ন করে... যে অর্থ বাংলাদেশের আত্মাকে পোড়াতে চায় এবং বাংলাদেশের চমৎকার জনগণকে সেই সব সামন্ত প্রভুদের ক্রীতদাসে

পরিণত করতে চায় যারা তাদের ঘৃণা, অসহিষ্ণুতা আর দাসত্ব অন্যদের ওপর চাপিয়ে দিয়ে নিজেদেরকে সমৃদ্ধ  
করতে চায় ।

এই সব শক্তি আর অশক্তি তাদের নোংরা অর্থ পাচার করার জন্য, সন্ত্রাসবাদ আর সহিংস চরমপন্থার প্রচারণায়  
অর্থায়নের জন্য, বাংলাদেশের অভ্যন্তরে, এই অঞ্চল জুড়ে এবং এর বাইরে তাদের জন্য অপরাধ সংঘটনের জন্য  
বাংলাদেশকে ব্যবহার করে...

বাংলাদেশ সত্যই হামলার মুখে...

... এবং বাংলাদেশ পাল্টা লড়াই করছে ।

আমার সামনে যারা বসে আছেন তারা হচ্ছেন বাংলাদেশের রক্ষাকর্তা

... পুলিশ, তদন্ত কর্মকর্তা, আইনজীবী, আরো অনেকে...

... আপনারাই বাংলাদেশের রক্ষাকর্তা ।

আপনাদের অন্ত হচ্ছে আইন, অর্থ পাচারের বিরুদ্ধে লড়াই করাবার জন্য, সন্ত্রাসে অর্থায়নের বিরুদ্ধে লড়াবার জন্য,  
ভয়ঙ্কর আন্তঃদেশীয় অপরাধের বিরুদ্ধে লড়াই করাবার জন্য আইনের কার্যকর প্রয়োগ ।

আপনাদের হাতিয়ার হচ্ছে আপনাদের চিন্তাশক্তি, আপনাদের বিচক্ষণতা, দলগতভাবে আপনাদের কাজ,  
আপনাদের সহযোগিতা, পুলিশ, জাতীয় রাজস্ব বোর্ড, দুর্নীতি দমন কমিশন, অ্যাটর্নি জেনারেলের অফিস এবং  
আরো অনেক কিছু...

আপনারা যখন একটি দল হিসেবে কাজ করেন, এই কর্মশালায় আপনারা যখন এই বিষয়ে বিভিন্ন কৌশল  
শিখছেন, সেগুলো নিয়ে পড়াশোনা করছেন, আর এর মাধ্যমেই আপনারা হয়ে উঠেছেন অত্যন্ত জোরালো শক্তি...  
অপরাধী কর্মকাণ্ডের সবচেয়ে জটিল মামলাগুলো তখন আপনারা অনুসন্ধান করতে পারবেন... তখন আপনারা  
সন্ত্রাস, জালিয়াতি, দুর্নীতি, আন্তর্জাতিক অপরাধ চিহ্নিত করতে, রোধ করতে, ধ্বংস করতে, প্রতিরোধ করতে  
পারবেন... তখন আপনারা বাংলাদেশের মানুষকে সুরক্ষিত করতে পারবেন যাতে তারা সোনার বাংলা গড়তে পারে ।  
অবশ্য অপরাধীরাও বুদ্ধিমান হয়, ফলে আপনারা নতুন কৌশল শিখছেন, অপরাধীদের পরাজিত করতে নতুন  
পদ্ধতি শেখা এক চলমান প্রচেষ্টা ।

এই ভয়ঙ্কর অপরাধীদের পরাজিত করতে আমেরিকা বাংলাদেশের বিভিন্নভাবে অংশীদার হওয়ায় আমি গর্বিত ।

এই অপরাধীদের বিরুদ্ধে বাংলাদেশের লড়াইয়ে সম্ভাব্য সকল উপায়ে সহযোগিতা অব্যাহত রাখতে আমি  
নিবেদিত ।

আমি আনন্দিত যে এই কর্মশালায় আপনাদের কাছে শ্রেষ্ঠ কর্মপদ্ধতি নিয়ে আসার জন্য আমেরিকা আমাদের  
যুক্তরাজ্যের বন্ধুদের সঙ্গেও অংশীদারিত্ব করতে পেরেছে ।

বাংলাদেশের শত্রুবদের সঙ্গে আপনাদের লড়াইয়ে আমি আপনাদের শুভ কামনা করছি ।  
ধন্যবাদ ।

=====

\*বক্তৃতার জন্য প্রস্তুতকৃত